

桃花源志



桃花源志卷十三目錄

藝文

古今體詩

武陵 桃源 桃花源

桃花谿 桃谿

武陵溪

晉

武陵人

一首

梁

劉孝勝

一首

陳

徐陵

一首

桃花源志

卷十三

目錄

退補齋藏板

北周

庾信

二首

唐

包融

一首

王維

一首

張旭

一首

王昌齡

三首

晉 劉長卿

一首

孟浩然

二首

李 白

三首

韓 翃

一首

獨孤及

一首

盧 綸

二首

奚 賈

一首

王 建

一首



武元衡 一首

權德輿 一首

劉禹錫 四首

施肩吾 二首

薛 瑩 一首

李德裕 一首

杜 牧 一首

祝元膺 一首

李羣玉 一首

劉 滄 一首

陸龜蒙 一首

司空圖 一首

張 喬 一首

胡 曾 二首

宋章 碣 一首

張 蠟 一首

李宏皋 一首

釋皎然 二首

桃花源志 卷十三

目錄

退補齋藏板

道張 白

宋

張 詠 一首

陶 弼 一首

劉 敞 一首

王安石 一首

蘇 軾 一首

梅堯臣 二首

劉 摯 一首

郭祥正 一首

黃庭堅 一首

汪 藻 一首

王 令 一首

李 綱 一首

唐 庚 一首

胡 宏 一首

朱子 一首

陸游 一首

蕭立之 一首

葉茵 一首

張斛 一首

無名氏 一首

方呂巖 一首

詞附

朱翌 一闕

薛季宣 一首

姜夔 一首

龔桂馨 一首

施樞 一首

鮑埜 一首

閩媛鄧氏 一首

桃花源志

卷十三

目錄

三

退補齋藏板

桃花源志卷十三

永康胡鳳丹月樵編纂

藝文 古今體詩

晉 武陵人 黃閔武陵記曰有淶蘿山側巖垂水懸蘿百里許得

黃閔武陵記曰有淶蘿山側巖垂水懸蘿百里許得

明月池碧潭鏡徹百尺見底素巖若雪松如插翠流

風扣阿有絲桐之韻土人歌曰

仰茲山兮迢迢層石構兮嗟峨峨朝日麗兮陽巖落景梁

桃花源志 卷十三 藝文 退補齋藏板

兮陰阿障壑兮生音吟籟兮相和敷芳兮綠林恬澹兮

潤波樂茲潭兮安流緩爾權兮詠歌 桃花源志畧

梁 劉孝勝 彭城人為武陵王蕭紀長史

武溪深行 曰自

武溪深不測水安舟復輕暫侶莊生釣還滯鄂君行權

歌爭後發諫鼓逐前征秦地山川險黔中木石并林壑

秋籟急猿哀夜月明澄源本千仞迴峯忽萬縈昭潭讓

無底太華推削成日落通野氣目極悵餘情下流曾不

濁長邁寂無聲羞學滄浪水濯足復濯纓 同上

陳徐陵字孝穆東海鄒人官爵未詳

山齋

桃源驚往客鶴嶠斷來賓復有風雲處蕭條無俗人山
寒微有雪石路本無塵竹徑蒙龍巧茅齋結構新燒香
披道記懸鏡厭山神砌水何年溜簷桐幾度春雲霞一

已絕甯辨漢將秦同上

北周庾信

信

字子山新野人博覽羣書尤善春秋左氏傳始為梁太子抄撰學士累遷通直散騎常侍聘東魏還為東宮學士領建康令迨周孝閔帝立封臨清縣子除司水下大夫出為宏農郡守遷驃騎大將軍開府儀同三司司憲中大夫進爵義城縣侯俄拜洛州刺史著有庾

桃花源志

卷十三

藝文

二

退補齋藏板

子山集二十卷

擬詠懷

懷抱獨惛惛平生何所論由來千種意併是桃花源穀
皮兩書帙壺盧一酒尊自知費天下也復何足言本集

詠畫屏風

逍遙遊桂苑寂絕到桃源狹石分花徑長橋映水門管
聲驚百鳥人衣香一園定知歡未足橫琴坐石根同上

唐包融

融

潤州人一云湖州人開元初與賀知章張旭張若虛皆有名號吳中四士張九齡引為懷州司馬遷集賢直學士大理司直子何偕世稱二包各有集按唐藝文志融延陵人

武陵桃源送人

武陵川徑入幽遐中有雜犬秦人家先時見者為誰耶

源水今流桃復花全唐詩

唐張旭吳縣人嗜酒善草書每醉後號呼狂走乃下筆世稱為張顛初仕為常熟尉時以李白歌

詩張旭草書裴旻劍舞為三絕

桃花溪

隱隱飛橋隔野煙石磯西畔問漁船桃花盡日隨流水

洞在清溪何處邊全唐詩

唐王維字摩詰河東人工書畫與弟縉俱有俊才開元九年進士擢第官至尚書左丞以詩名盛

桃花源志藝文卷十三三退補齋藏板

於開元天寶間竄薛諸王駙馬豪貴之門無不拂席迎之得宋之間輞川別墅山水絕勝

與道友裴迪浮舟往來彈琴賦詩嘯咏終日篤於奉佛晚年長齋禪誦一日忽索筆作書

數紙別弟縉及平生親故舍筆而卒著有王摩詰集

桃源行時年十九

漁舟逐水愛山春兩岸桃花夾去一作津坐看紅樹不

知遠行盡青溪不見人山口潛行始隈隩山開曠望旋

平陸遙看一處攢雲樹近八千家散花竹樵客初傳漢

姓名居人未改秦衣服居人共住武陵源還從物外起

田園月明松下房櫳靜一作日出雲中雞犬喧一作忽

聞俗客爭來集競引還家問都一作邑平明間巷埽花

開薄暮漁樵乘水入初因避地去人間一作及至一作成仙

遂一作去不還峽裏誰知有人事世中遙望空雲山不疑

靈境難聞見塵心未盡思鄉縣出洞無論隔山水辭家

終擬長游衍自謂經過舊不迷安知峯一作壑今來變

當時只記入山深青溪幾曲一作到雲林春來遍是桃

花水不辨仙源何處尋本集

唐王昌齡字少伯京兆人登開元十五年進士第補秘書郎二十二年中宏詞科調汜水尉遷江甯

丞晚節不讓細行貶龍標尉卒詩與高適王渙之齊名時謂王江甯著有集六卷

桃花源志 卷十三 藝文 四 退補齋藏板

武陵開元觀黃鍊師院三首

松間白髮黃尊師童子燒香禹步時欲訪桃源入溪路

忽聞雞犬使人疑

先賢盛說桃花源塵忝何堪武陵郡聞道秦時避地人

至今不與人通一作問按輿地紀勝作崔何詩

山觀空虛清靜門從官役吏擾塵喧暫因問俗到真境

便欲投誠依道源全唐詩

唐劉長卿字文房河間人開元二十一年進士至德中為監察御史以檢校祠部員外郎為轉運使

判官知淮南鄂岳轉運留後鄂岳觀察使吳仲孺誣奏貶播州南邑尉會有偽之辯者除

陸州司馬終隨州刺史著有劉隨州集

送郭六侍從之武陵郡

常愛武陵郡羨君將遠尋空憐世界迫孤負桃源心洛

陽遙想桃源隔一作人野水閑流春自碧花下常迷一作逢

楚客船洞中時見秦人宅落日相看斗酒前送君南望

但依然河梁馬首隨春草江路猿聲愁暮天丈人別乘

佐分憂才子趨庭兼勝遊澧浦荆門行可見知君詩興

滿滄洲本集

唐孟浩然字浩然襄陽人少隱鹿門山張九齡鎮荊州署為從事開元末卒著有孟浩然集

桃花源志卷十三藝文五退補齋藏板

宿武陽卽事二首唐因隋邑省入武陵武陽卽今桃源

武陵川路狹前棹入花林莫測幽源裏仙家信幾深水

迴青嶂合雲度綠溪陰坐聽猿嘯彌清塵外心

川暗夕陽盡孤舟泊岸初嶺猿相叫嘯潭影似空虛就

枕滅明燭扣舷聞夜漁雞鳴問何處人物是秦餘本集

唐李白字太白隴西成紀人涼武昭王暠九世孫或日山東人或日蜀人明皇召見金鑿殿有詔

俱奉翰林著

有太白集

桃源

昔日狂秦事可嗟直驅雞犬入桃花至今不出煙谿口

萬古潺湲一作水料

露溼一作暗煙濃草色新一番流水滿溪春可憐漁父重

來日一作訪只見桃花不見人按輿地紀勝云二詩太白逸篇見綿州志孫氏刻入

續古文苑

古風

鄭客西入關行行未能已白馬華山君相逢平原里壁

遺鎬池君明年祖龍死秦人相謂曰吾屬可去矣一往

桃花源千春隔流水本集

博平鄭太守自廬山千里相尋入江夏北市門見

桃花源志卷十三六退補齋藏板

訪卻之武陵立馬贈別

大梁貴公子氣蓋蒼梧雲若無三千客誰道信陵君救

趙復存魏英威天下聞邯鄲能屈節訪博從毛薛夷門

得隱淪而與侯生親仍要鼓刀者乃是袖鎚人好士不

盡心何能保其身多君重然諾意氣遙相託五馬入市

門金鞍照城郭都忘虎竹貴且與荷衣樂去去桃花源

何時見歸軒相思無終極腸斷朗江一作猿

唐韓翃字君平南陽人登天寶十三載進士第建中初以詩受知德宗除駕部郎中知制誥擢中

書舍人著
有集五卷

寄武陵李少府

小縣春山口

一作生日

公孫吏隱時楚歌催晚醉蠻語入新

詩桂水遙相憶花源暗有期郢門千里外莫怪尺書遲

全唐詩

唐獨孤及

字至之洛陽人天寶末以道舉高第補華陰尉代宗召為左拾遺俄改太常博士加檢校

司封郎中賜金紫徙常州

卒諡曰憲著有毗陵集

送別荆南張判官

輜車駱馬往從誰夢浦蘭臺日更遲欲識桃花最多處

前程問取武陵兒

全唐詩

桃花源志

卷十三

藝文

七

退補齋藏板

唐盧綸

綸

字允言河中蒲縣人大厩初數舉進士不第元載取其文以進補闕鄉尉累遷監察御史

建中初為昭應令又辟元帥判官遷檢校戶部郎中

同吉中孚夢桃源

春雨夜不散夢中山亦陰雲中碧潭水路暗紅花林花

水自深淺無人知古今

夜靜春夢長夢逐仙山客園林滿芝尤雞犬傍籬柵幾

處花下人看余笑頭白

全唐詩

唐賈島

賈

富春人官爵未詳

尋許山人亭子

桃源若遠近漁子櫂輕舟川路行難盡人家到漸幽山

禽拂席起溪水入庭流君是何年隱如今成白頭全唐詩

唐王建字仲初潁川人大厯十年進士初為渭南尉歷秘書丞侍御史太和中出為陝州司馬從軍塞上後歸咸陽卜居原上建工樂府與張籍齊名宮詞百首尤傳誦人口著有王司馬

春風夾翠

武陵春日

尋春何事卻悲涼春到他鄉憶故鄉秦女洞桃歌澗碧

楚王堤柳舞煙黃波濤入夢家山遠名利關身客路長

不似冥心叩塵寂玉編金軸有仙方全唐詩

桃花源志

唐武元衡字伯蒼河南緱氏人建中四年登進士第官至門下侍郎平章事尋出為劍南節度使元和八年徵還秉政早朝為盜所害贈司徒諡忠愍著有臨淮集

桃花源行送友

武陵川徑入幽遐中有雞犬秦人家家傍流水多桃花

桃花兩邊種來久流水一通一作何時有垂條落葉暗

春風夾岸芳菲至山口歲歲年年能寂寥林下青苔日

為厚時有仙鳥來銜花曾無世人此攜手可憐不知若

為名君往一作從之多所更古驛荒橋平路盡崩湍怪

石小溪行相見維舟登覽處紅堤綠岸宛然成多君此

去從仙隱令人晚節悔營營

本集

唐權德輿

字載之丹陽人未冠卽以文章稱杜佑裴胄交辟之德宗聞其材召爲太常博士官至刑部尚書出爲山南西道節度使以病乞還卒於道年六十贈左僕射諡曰文著有權交公

集五
十卷

桃源篇

少年嘗讀桃源記忽覩良工施繪事巖徑初欣繚繞通
溪風轉覺芬芳異一路鮮雲雜彩霞漁舟遠遠逐桃花
漸入空濛迷鳥道甯知掩映有人家龐眉秀骨爭迎客
鑿井耕田人世隔不知漢代有衣冠猶說秦家變阡陌

桃花源志

卷十三

藝文

九

退補齋藏板

石髓雲英甘且香仙翁留飯出青囊相逢自是松喬侶
良會應殊劉阮郎內子閑吟倚瑤瑟翫此沈沈銷永日
忽聞麗曲金玉聲便使老夫思閣筆

全唐詩

唐

劉禹錫

字夢得彭城人貞元九年擢進士第登博學鴻詞科從事淮南幕府入爲監察御史王叔文用事引入禁中與之圖議言無不從轉屯田員外郎判度支鹽鐵案叔文敗坐貶連州刺史素善詩晚節尤精會昌時官復至禮部尚書卒年七十二贈戶部尚書著有劉賓客

集文

遊桃源一百韻

沅江清悠悠連山鬱岑寂回流抱絕巘皎鏡含虛碧昏

巨遞明媚煙嵐分委積香蔓垂綠潭暴龍照孤磧山下名

綠蘿磧名暴龍

淵明著前志子驥思遠跡

事見陶先生本記

寂寂無何

窺洞穿閭隙依微聞雞犬豁達值阡陌居人互將迎笑

語如平昔廣樂雖交奏海禽心不憚揮手一來歸故溪

無處覓綿綿五百載市朝幾遷革有路在壺中無人知

地脈皇家感至道聖祚自天錫金闕傳本枝玉函留寶

麻禁山開祕宇復戶潔靈宅

詔隸二十戶免徭以奉灑掃

藥檢香氛

氤醮壇煙冪冪我來塵外躅瑩若朝星析崖轉對翠屏

桃花源志

卷十二

藝文

十

退補齋藏板

水窮留畫鷁三休俯喬木千級扳峭壁旭日聞撞鐘綵

雲迎躡屐遂登最高頂縱目還楚澤平湖見草青遠岸

連霞赤幽尋如夢想綿思屬空閱夤緣且忘疲耽玩近

成癖清猿伺曉發瑤草凌寒坼祥禽舞葱蘢珠樹搖玃

璫

一作

羽人顧我笑勸我稅歸輓霓裳何飄飄童顏潔

白哲重巖是藩屏馴鹿受羈勒樓居彌

一作

清霄蘿薦

成翠帟仙翁遺竹杖王母留桃核姪女飛丹砂青童護

金液寶氣浮鼎耳神光生劒脊虛無天樂來僊宰鬼兵

役丹邱肅朝禮玉札工紬繹枕中淮南方牀下阜鄉鳥

明燈坐遙夜幽籟聽浙瀝因話近世仙聳然心神惕乃

言瞿氏子骨狀非凡格往事黃先生羣兒多侮劇警作

警然不屑意元氣貯肝膈往往游不歸洞中觀博弈言

高未易信猶復加詞責一旦前致辭自云仙期迫言師

有道骨前事常被謫如今三山上名字在真籍悠然謝

主人後歲當來覲言畢依庭樹如煙去無跡觀者皆失

次驚追紛絡繹日暮山徑窮松風自蕭槭適逢脩蛇見

矚目光激射如嚴三清居不使恣搜索唯餘步綱勢八

趾在沙礫至今東北隅表以壇上石列仙徒有名世人

桃花源志 卷十三 藝文 十一 退補齋藏板

非日擊如何庭廡際白日振飛翮洞天豈幽遠得道如

咫尺一氣無死生三光自遷易因思人間世前路何狹

一作窄瞥然此生中善祝期滿百大方播羣類秀氣肖

翕鬪性靜本同和物牽成阻阨是非鬪方寸葷血昏精

魄遂令多天傷猶喜見斑白喧喧車馬馳苒苒桑榆夕

共安緹繡榮不悟泥途適紛吾本孤賤世業在逢掖九

流宗指歸百氏旁攬撫公卿偶慰薦卿曲謬推擇居安

白社貧志傲元纁辟功名希自取簪組俟揚歷書府蚤

懷鉛射宮曾發的起草香生帳坐曹烏集柏賜燕聆簫

韶侍祠閣琮璧嘗聞履忠信可以行蠻貊自述一作希

古心妄恃干時畫巧言忽成錦苦志徒食藁平地生峯

巒深心有矛戟層波一震盪弱植忽淪溺北渚弔靈均

長岑思亭伯禍來昧幾兆事去空歎息塵累與時深流

年隨漏滴才能疑木鴈報施迷夷跣楚奏繫一作鍾儀

商歌勞甯戚稟生非懸解對鏡方感激自從嬰網羅每

事問龜策王正降雷雨環玦賜遷斥儻伏一作夷平人

誓將依羽客買山構精舍領徒開講席冀無身外憂自

有閑中益道芽期日就塵慮乃冰釋且欲遺姓名安能

桃花源志卷十三 藝文 十一 退補齋藏板

慕竹帛長生尚學致一漑一作豈虛擲芝尤資糝糧煙

霞拂巾幘黃石履看墮洪崖肩可拍聊復嗟蟬蛸何煩

哀虺蜴青囊既深味瓊葩亦屢摘縱一作無西山資一作

姿猶免長戚戚本集

桃源行

漁舟何招招浮在武陵水拖一作垂綸擲餌信流去誤入

桃源行數里清源尋盡花綿綿踏花覓徑至洞前洞門

蒼黑煙霧生暗行數步逢虛明俗人毛骨驚仙子爭來

致詞何至此須臾皆破冰雪顏笑言一作語委曲問人一作

世間因嗟隱身來種玉不知人世一作如風燭筵羞石

髓勸客冷燈爇松脂留客宿雞聲犬聲遙相聞曉色惹

龍開五雲漁人振衣起出戶滿庭無路花紛紛翻然恐

失一作迷鄉縣處一息不肯桃源住桃花滿溪水似鏡塵

心如垢洗不去仙家一出尋無踪至今流水一作山重

重同上

八月十五日夜桃源玩月

塵中見月心亦閑況是清秋仙府間凝光悠悠寒露墜

此時立在最高山碧虛無雲風不起山上長風山下水

桃花源志 卷十三 藝文 三 退補齋藏板

羣動翛然一顧中天高地平千萬里少君引我昇玉壇

禮空遙請真仙官雲輶欲下星斗動天樂一聲肌骨寒

金一作朝霞昕昕漸東上輪欹影促猶頻望絕景良時難

再并他年此日應惆悵叔父元和中徵昔事為桃源行後貶官武陵復為翫月作並題

於觀壁邇來星紀再周既牽故此郡仰見文字闕缺伏

慮他年轉將塵沒故鐫在貞石以期不朽太和四年既

謹記

傷桃源薛道士一作師尊

壇邊松在鶴巢空白鹿閒行舊徑中手植紅桃千樹發

滿山無主任春風同上

唐施肩吾字希聖洪州人元和十年登第隱洪州西山爲詩奇麗著有西山集十卷

桃源詞二首

天天花裏千家住總爲當時隱暴秦歸去不論無舊識
子孫今亦是他人

秦世老翁歸漢世還同白鶴返遼城縱令記得山川路

莫問當時州縣名全唐詩

唐薛瑩文宗時人著有洞庭詩集一卷

訪武陵道者不遇

花發鳥仍啼行行路欲迷二真無問處虛度武陵溪同上

桃花源志卷十三 藝文

唐李德裕字文饒趙郡人宰相吉甫子以廕補校書郎拜監察御史穆宗卽位擢翰林學士太和三年召拜兵部侍郎踰年徙劍南西川以兵部尚書召俄拜中書門下平章事封贊皇縣伯旋貶袁州刺史武宗立復原官拜太尉封衛國公著有會昌一品集

尊師是桃源黃洞源先生傳法弟子常見尊師稱

先生靈跡今重賦此詩兼寄題黃先生舊館

後學方成市吾師又上賓今茅山觀道士洞天應不夜

源一作桃樹秣如春此并述桃源事棋客留童子瞿仙童卽先生弟子桃源得仙

在傳記人棋子載山精避直神先生初至茅童子觸法坐有聲

其靈異如此無因握石髓及一作與養生人本集

唐杜牧字牧之京兆萬年人太和二年登進士第官至中書舍人著有樊川集

酬王秀才桃花源見寄

花一作桃滿西園淑景催幾多紅豔淺深開此花不逐溪

流出晉客何一作無因人洞來本集

唐祝元膺句曲人與段成式同時

夢仙謠

蟾蜍夜作青冥燭一作鏡 蟬竦晴為碧落梯好箇分明天

上一作上天路誰教深一作移入武陵溪全唐詩

唐李羣玉字文山澧州人性曠逸赴舉一上而止裴休為相薦授宏文館校書郎著有集三卷後集

桃花源志 卷十三 藝文 五 退補齋藏板

卷五

桃源

我到瞿真一作童上昇處山川四一作西望使人愁紫雲白

鶴去不返唯有桃花一作源溪流全唐詩

唐劉滄字蘊靈魯人大中八年進士第調華原尉遷龍門令著有詩一卷

題桃源處士山居留寄

白雲深處葺茅廬退隱衡門與俗疎一洞曉煙留水上

滿庭春露落花初閒看竹嶼吟新月特酌山醪讀古書

窮達盡為身外事浩然元氣樂樵漁一作扁舟來往伴樵漁同上

唐陸龜蒙

字魯望蘇州人元方七世孫舉進士不第辟蘇湖二郡從事退隱松江甫里多所論撰自號天隨子以高士召不赴李蔚盧攜素重之及當國召拜拾遺詔方下卒光化中贈右補闕著有甫里集

桃花塢

行行問絕境貴與名相親空經桃花塢不見秦時人願此為東風吹起枝上春願此作流水潛浮藥中塵願此為好鳥得棲花際鄰願此作幽蝶得隨花下寶朝為照花日暮作涵花津試為探花士作此一作偷桃臣桃源不我棄庶可全天真同上

桃花源志

卷十三

藝文

天

退補齋藏板

唐司空圖

字表聖河中虞鄉人咸通末擢進士第官至中書舍人歸隱中條山自號知非子耐辱居士有先世別墅泉石林亭頗愜幽趣日與名僧高士遊詠其中著有一鳴集司空表聖文集

武陵路

橘岸舟閑罾網挂茶坡日暖鷓鴣啼女郎指點行人笑知向花間路已迷同上

唐張喬

喬

池州人咸通中進士黃巢之亂罷舉隱九華山著有詩一卷

尋桃源

武陵春草齊花影隔澄溪路遠無人去山空有鳥啼水

垂青靄斷松偃綠蘿低世上迷途客經茲盡不迷全唐詩

唐胡曾邵陽人居秋田鄉號秋田咸通中舉進士不第嘗爲漢南從事著有秋田集

武陵溪

一溪春水澈雲根流出桃花片片新若道長生是虛語

洞中爭得有秦人沅湘耆舊集

早發潛水驛謁郎中員外

半牀秋月一聲雞萬里行人費馬蹄青野霧消凝晉洞

碧山煙散避秦溪樓臺稍辨烏城外更漏微聞鶴柱西

已是天仙憐後進不應來向武陵迷同上

桃花源志卷十三 藝文 七 退補齋藏板

唐章碣孝標之子登乾符進士第後流落不知所終詩一卷

桃源

絕壁相欹是洞門昔人從此入仙源數株花下逢珠翠

半曲歌中老子孫別後自疑園吏夢歸來誰信釣翁言

山前空有無情水猶遶當時碧樹村同上

唐張蠙字象文清河人登乾甯二年進士第官校書郎樸陽尉犀浦令人蜀拜膳部員外終金堂

詩一卷

送友人歸武陵

聞近桃源住無村不是花戎旗招海客廟鼓集江一作神

鴉別島垂橙實閒田長荻芽遊秦未得意看卽更一作是

離家全唐詩

唐李宏阜

長沙人父善夷唐宣宗時謫官澧陽宏阜遷居長沙仕楚營道令累遷都統掌書記馬希範時爲天策府學士撰溪州銅柱銘官至刑部侍郎著有集二卷

題桃源

山翠參差水渺茫秦人昔在楚封疆當時避世乾坤窄

此地安家日月長

一作草色

幾經壇杏老巖

一作浪

花猶

帶澗

一作洞

桃香他年倘遂歸休

一作平生

志來著霞衣侍玉

皇

沅湘耆舊集

桃花源志

卷十三

藝文

六

退補齋藏板

唐皎然

名晝姓謝氏長城人靈運十世孫也貞元中敕寫其文集入於秘閣著有杼山集

兵後西日溪行

并序

沈羲仙記銅峴地肺可以逃水又聖桃源記天地改

花源在卽此地也此一章靈澈上人可以志之

一從清氣上爲天仙叟何年見乾海黃河幾度濁復清

此水如今未曾改西尋仙人渚誤入桃花穴風吹花片

使我迷時時問山驚踏雪石梁丹竈意更奇

石梁丹竈銅峴仙人

渚靈跡

有四所春草不生多故轍我來隱道非隱身如今世上

無風塵路是武陵路人非秦代人飯松得高侶濯足偶

清津數片昔賢磐石在幾回並坐戴綸巾全唐詩

唐張白衡州人少應舉不第常挑一鐵葫蘆得錢便飲酒自稱白雲子。案張白一作張虛白

武陵春色

武陵春色好十二酒家樓大醉方回首逢人不舉頭是

非都不采名利混然休戴個星冠子浮沈逐世流沅湘耆舊

集

宋張詠字復之號乖崖濮州鄆城人太平興國五年進士歷樞密直學士出知益州真宗初入為

御史中丞出知杭州再知益州進禮部尚書卒諡忠定著有乖崖集

舟中晚望桃源山

桃花源志卷十三 藝文 九 退補齋藏板

仙山初指眼初明倚棹因妨半日程雲裏未忘尋去路

世間爭合有浮名巖空閣老松千尺天靜時聞鶴一聲

更謝暮霞憐惜別滿坡紅影照崢嶸本集

宋陶弼字裔翁祁陽人雍熙二年進士以功授陽朔縣主簿歷官知邕州招納諸蠻有功四遷為

東上閣門使康州團練使著有邕州小集

桃花源

檐下山光砌下苔人間重過眼重開舊林諸子休貽誚

已許孤雲作記迴本集

宋劉敞字原父新喻人慶曆六年進士累遷知制誥拜翰林學士改集賢院學士判南京御史臺

卒門人私謚曰公是先生著有公是集

桃源

武陵谿水清無塵武陵桃樹花長春會買漁舟謝賓客
來作武陵山下人秦人洞府晉人谿碧草紅桃處處迷
流水至今堪悵望問津從古失端倪山川非復壺中見
雞犬猶傳雲外啼顧視人間真徹屣為煩仙子託幽栖

渝水詩觀

宋

王安石

字介甫撫州臨川人慶厯二年進士神宗朝累除知制誥翰林學士拜同中書門下平章事加尙書左僕射兼門下侍郎封荆國公諡曰文崇甯間追封舒王著有臨川集

桃花源志

卷十三

藝文

三

退補齋藏板

桃源行

望夷宮中鹿為馬秦人半死長城下避世不獨商山翁
亦有桃源種桃者此來種桃經幾春採花食實枝為薪
兒孫生長與世隔雖有父子無君臣漁郎漾舟迷遠近
花間相見驚相問世上那一作空知古一作世有秦山中豈
料今為晉聞道長安吹戰塵春風回首一沾巾重華一
去甯復得天下紛紛經幾秦本集

宋

蘇軾

軾

字子瞻眉山嘉祐二年進士乙科對制策除中書舍人翰林學士歷端明殿學士禮部尙書紹聖初坐訕謗安置惠州徙昌化徽宗立赦還提舉玉局觀建中靖國元年卒於常

州高宗朝贈太師謚文忠著有東坡前後集和陶集應詔集

和桃花源詩

凡聖無異居清濁同此世心閒偶自見念起忽已

逝欲知真一處要使六用廢桃源信不遠藜杖可少一作

小憩躬耕任地力絕學抱天藝臂雞有時鳴尻駕無可

稅苓一作花龜亦晨吸杞枸一作枸杞或夜吠耘樵得甘芳一作

方齧齧謝炮製子驥雖形隔淵明已心詣高山不難越

涉一作淺水何足厲不知我仇池高舉復幾歲從來一死

生近又等癡慧蒲一作滿澗安期境在廣州羅浮稚川界夢

桃花源志 卷十三 藝文 三 退補齋藏板

往從之游神交發吾蔽桃花滿庭下流水在戶外卻笑

逃秦人有畏一作異非真一作所契東坡集

宋梅堯臣字聖俞宣城人詢從子以廢補齋郎嘉祐初召試賜進士擢國子直講歷尚書都官員外

郎著有宛陵集

武陵行

生事在漁樵所居亦煙水野艇一竿絲朝朝狎清泚忽

自傍藤陰乘流轉山背始覺景氣佳潛通小溪裏常時

不見春入谷驚紅蘂幽興窮綠波翫芳心莫已花外一

峰明林間碧洞啟遙聞雞犬音漸悟人煙邇捨舟遂潛

行石徑劣容屣豁然有田園竹果相叢倚龐眉鬢髻人
倏遇心顏喜尙作秦衣裳那知漢名氏自言逢世亂避
地因居此來時手種桃今日開如綺更看水生花幾度
逐風委競引飯雕胡邀飲酌瓊醴復呼童稚前綠鬢仍
皓齒翻遣念還茅思歸釣鱸鯉將辭亦贈言勿道邱壑
美鼓枻出仙源繁音猶邈迤薄暮返滄洲微風吹白芷
他日欲重過茫茫何處是

本集

桃花源詩

并序

嘉祐元年余在京師邂逅與都官員外郎張侯容遇

桃花源志

卷十三

藝文

三

退補齋藏板

於書館張語往曾相識於唐俞家今三十三年矣因
各言出處張曰某居武陵武陵舊跡可具道始陶潛
爲記與詩其後往往賦詠不絕君之仲父昔嘗有作
聞君能詩願賦一章亦當買石刻置巖下旣重其意
許錄幼時所爲五言歸閱故稿頗不愜心遂別爲一
章以塞張侯之請

鹿爲馬龍爲蛇鳳凰避羅龍避豈天下逃難不知數人
海居巖皆是家武陵源中深隱人共將雞犬栽桃花桃
花記春不記歲金椎日將博浪沙亦殊商嶺采芝草難

與少長親胡麻豈意異時漁者入各各同問人間賒秦
已非秦孰爲漢奚論晉魏如削瓜英雄滅盡有石闕知
慧屏去無年華俗骨思歸一相送慎勿與世言雲霞出
洞沿溪夢寐覺物景都失同迴槎心寄草樹欲復往山
幽草亂尋無涯同上

宋劉摯

字莘老東光人家于東平嘉祐中擢甲科神宗朝累遷禮部侍郎哲宗卽位官門下侍郎以觀文殿大學士出知鄆州紹聖初以黨論貶鼎州團練副使新州安置卒紹興中贈少師諡忠肅著
有忠肅集

桃源亭

桃花源志

卷十三

藝文

三

退補齋藏板

桃源亭北值佳辰桃萼飄殘晚晚春緹幕惜芳林下子
綵袵修禊水邊人風謠漸喜南音變節物偏於久客新
道不與時當勇去歸心何必計吳萼本集

宋郭祥正

字功父當塗人熙甯中舉進士元豐中知端州旋知汀州通判攝守漳州階至朝請大夫請老歸家於青山下著有青山集

桃源行寄張兵部

武陵溪上青雲暮昔人傳有桃源路時見落花隨水流
咫尺神仙杳難遇神仙有無何可量但愛武陵山水強
松烟竹霧水村暗鳥啼猿嘯花雨香車輪不來塵全絕

日月自與乾坤長聞君取身欲長往禾熟良田給春釀
陶然一醉萬事休還我天真了無象生胡爲榮死奚感
爲笑紛紛避秦客一身千歲何足論更向漁家寄消息

宋集本

黃庭堅

字魯直分寧人庶子舉進士爲葉縣尉歷秘書丞紹聖初坐修神宗實錄失實貶涪州別駕黔州安置建中靖國初召還知太平州復除名編管宜州卒自號山谷道人著有山谷集

武陵

武陵樵客出桃源自許重遊不信難卻覓洞門煙銷斷

桃花源志

卷十三

藝文

二

退補齋藏板

歸舟風月夜深寒

本集

宋

汪藻

字彥章德興人崇寧中第進士仕至兵部侍郎拜翰林學士著有浮溪集

桃源行

祖龍門外神傳璧方士猶言仙可得東行欲與羨門親

咫尺蓬萊滄海隔那知平地有青雲

一作春

只屬尋常避

世人關中日月空萬古花下山川長一身中原別後無

消息聞說胡塵

一作塵

因感昔

一作惜

誰教晉鼎判東西卻

媿秦城限南北人間萬事愈堪憐此地當時亦偶然何

事區區漢天子種桃辛苦求承

一作望

年

宋詩紀事

宋王

令

字逢原廣陵人王安石愛其才因妻以吳夫人女弟年二十八卒著有廣陵集

桃源行送張頡仲舉歸武陵

山環環兮相圍溪亂亂兮漣漪花漫漫兮不極路繚繚兮安之棄舟步岸兮欲進復疑山平阜斷兮忽得平原巨澤莽不知其東西桑麻口口兮田野孔治風回地近兮時亦聞乎犬雞信有居者兮盍亦往而從之語何爲乎獨秦服何爲乎異時見何驚兮選錯貌何野而棲遲問何遷兮古昔聽何感而暗噫秦崩晉代兮河覆山移天顛地陷兮何有不知上無君兮孰主下無令兮孰隨

桃花源志

卷十三

藝文

五

退補齋藏板

身羣居而孰法子娶嫁而孰媒既棄此而不用何久保而弗離豈畏伏于亂世兮猶潛魚而鳥棲甯知君之爲擾兮不知上之可依豈懲薄而過厚兮遂篤信而忘欺將久習以成俗兮亦耳目之無知眷叙言之綢繆與歡意之依稀及情終而禮闕忽回腸而念歸更酸顏而慘頰嘆異世之從容惜暫遇之偶然嗟永離而莫同舟招招而去岸帆冉冉以行風豁山靄之披拂赫曉日之曠矚驚回舟而返盼忽口斷而溪窮目恍惚兮圖畫心疇張兮夢中何一人之獨悟遂萬世而迷踪惟天地之浩

茫兮故神怪之或容惟昔王之制治兮惡魑魅之人逢
逮後世之陵夷兮固人鬼之爭雄抑武陵之麗秀兮故
水複而山重及崖懸而磴絕人跡之不到兮反疑與夫
仙口逋君生其地兮宜神氣之所鍾觀顏面之悄悄兮
其秀猶有山水之餘風憫斯民之無知兮久鬼覆而仙
蒙願窮探兮遠覽究非是之所從因高言而大唱一洗
世之昏聩

本集

宋李

綱

字伯紀邵武人政和二年進士靖康初累尚書右丞高宗即位累官尚書左僕射兼門下侍郎落職鄂州居住紹興中除觀文殿學士湖廣宣撫使知潭州卒贈少師諡忠定著有

桃花源志

卷十三

藝文

三

退補齋藏板

梁溪集

桃源行

桃源之事世傳以爲神仙非也以淵明之記考之特
秦人避世者子孫相傳自成一區遂與世絕耳今聞
中深山窮谷人跡所不到往往有民居田園水竹雞
犬之音相聞禮俗淳古雖斑白未嘗識官府者此與
桃源何異感其事作詩以見其意

武陵溪流潺湲漁舟鼓柁迷泝沿溪窮路盡恍何處
桃花爛漫蒸川原花間邑屋自連接雲外雞犬聲相喧

衣裳不同俎豆古見客驚怪爭來前殺雞爲黍持勸客
借問世上今何年自從秦亂避徭役子孫居此因蟬聯
不知漢祖以劍起況復魏晉稱戈鋌慙慙留客不肯住
落花流水空依然淵明作記真好事世人粉飾言神仙
吾觀閩境多如此峻溪絕嶺難攀緣其間往往有居者
自富水竹饒田園耄倪不復識官府豈憚黠吏催租錢
養生送死良自得終歲飽食仍安眠何須更論神仙事
只此便是桃花源

本集

宋唐

庚

字子西眉州丹棱人舉進士受知張商英擢
提舉京畿常平商英罷相貶惠州會赦北歸

桃花源志

卷十三

藝文

三

退補齋藏板

卒著有眉山集

桃源道上

一作武陵道中

朝持漢使節暮作楚囚奔路入離騷國江通欵乃村垣
牆知地溼草木驗冬温寂寞桃源路行人祇斷魂

本集

宋胡

宏

字仁仲崇安人幼事楊時侯仲良卒傳其父
文定之學紹興中以廩補右承務郎卒學者
稱五峯先生著有五峯集

桃源行

北歸已過沅湘渡騎馬東風武陵路山花無限不關心
惟愛桃花古來樹聞說桃花更有源居人共得仙家趣

之子漁舟安在哉我欲乘之望源去江頭相逢老漁父
煙水茫茫雲日暮投竿拱手向我言桃源言說非眞傳
當時漁子魚得錢買酒醉卧桃花邊桃花風吹入夢裏
自與人世相周旋靖節先生絕世人奈何記僞不考眞
先生高步窘末代雅志不肯爲秦民故作斯文寫幽意
要似寰海離風塵不然山原遠近桃花開宜有一片隨
水從東來嗚呼神明通八極豈特祕示一作視桃源哉我
聞是言發深省勒馬卻辭漁父回及晨遍覽三春色莫
使風雨空莓苔本集

桃花源志

卷十三

藝文

三

退補齋藏板

宋朱子

諱嘉字元晦婺源人紹興十八年中王佐榜進士寧宗朝歷官實文閣待制僞學禁起落職奉祠卒贈寶謨閣直學士諡曰文理宗朝贈太師追封徽國公從祀孔子廟庭號晦菴又號雲谷老人更號滄洲病叟後因筮遇遜之同人更名遜翁著有晦菴集

桃溪

澗裏春泉響種桃泉上頭爛紅紛委地未肯出山流本集

宋薛季宣

字士龍號艮齋永嘉人紹興二十九年甫十七卽從荆南帥辟寫機宜文字官至大理寺正出知湖州尋還知常州未上卒著有浪語集

武陵行

秦君植木咸陽市秦民血作東流水秦風薄惡法秋荼

秦郊行人半無趾祖龍虎視吞六雄漆城隱隱陵雲起
驪山罷休營阿房匹夫奮臂爲侯王重瞳隆準騁逐鹿
非冬積白何雪霜至人知幾忍徒死競遵大路逃彼方
從茲不復通上國不知戈鋌不見德耕田鑿井自希夷
安居守分無餘職抱孫養子樂天年義皇何遠今其域
自從別祖來避秦無文不記幾世人曹劉典午任強弱
歷年六百何紛紜山中既絕中原路從更百代猶無聞
武陵野人事漁釣獨遊沅溪忘故道泝流探得桃花源
舍舟洞口窮幽討洞中逸民忻見之共嗟遺事詢其老

桃花源志

卷十三

藝文

二五

退補齋藏板

爲言上世絕塵由殺雞命酒爭獻酬具聞閩內戰爭事
始知違俗爲優遊鄙夫何知尙懷土怱怱須別還中州
塵心已萌涓樸散桃源咫尺仙凡判還求不得日仙鄉
甯知死生無少閒相望如隔一世閒到今沅山色蒼蒼

流水滔滔花泛泛

本集

宋陸小游

字務觀越州山陰人佃之孫宰之子以蔭補
登任郎隆興初賜進士出身自號放翁累知

嚴州嘉泰初詔同修國史兼祕書監升
實章閣待制致仕著有渭南集劍南集

桃源

木缺橋橫一徑微斷煙殘靄晚霏霏十年倦客明雙眼

五月遊人換夾衣翠峽束成寒練靜蒼崖濺落素鮫飛
邇來自笑癡頑甚著處吟哦不記歸劍南集

書陶靖節桃源詩後

寄奴談笑取秦燕愚智皆知晉鼎遷獨為桃源人作傳

固應不仕義熙年同上

宋姜夔字堯章鄱陽人寓居吳興之武康與白石洞天為隣自號白石道人著有白石詩集

昔遊詩

昔遊桃源山先次白馬渡桃源縣界渡頭何清深鴻鵠在高

樹白馬亦洞天昔人有奇遇洞門不可見但聞水聲怒

桃花源志 卷十二 藝文 三 退補齋藏板

瞻彼羽人宅乃乘方船渡修廊夾五殿重閣映千樹規

模象魏壯回合綠陰護山椒望五溪壺頭入指顧故宮

在其北屋瓦帶松霧古杉晉時物中空野人住外圍四

十尺內可十客聚我遊瞿仙館壇上表遺步卻下八疊

坡一亭眾妙具兩山抱澄潭老木枝榦互瞻前秀而迴

坐久凜難駐桃源獨不見僻在宮南路山行轉深邃狙

猿紛上下石竇出微涓令我意猶豫昔聞漁舟子水際

見洞戶今看去溪遠定自後人誤惆悵卻歸來此遊不

得屢於今二十年歷歷經行處本集

宋蕭立之字斯立甯都人涪祐庚戌進士知南城縣歷南昌推官辰州判遭世亂歸隱蕭田有集

桃源

桃源花發幾番春聞說漁郎此問津秦帝漫勞方士遣

神仙已是避秦人宋詩紀事

宋龔桂馨字里官爵未詳

題桃花源

碧樹花開醉晚春靈槎幾度汎天津可憐太守仙緣薄

不是衣冠不屬秦同上

宋葉茵字景文笠澤人著有順適堂吟藁

桃花源志卷十三 藝文

桃花

三

退補齋藏板

漫山高下武陵花一片紅酣散晚霞要識當時秦晉事

隔溪修竹兩三家本集

宋施樞字知言號芸隱浮玉人紹定初累舉不第從辟入吳攝庾臺幕往來錦溪間富吟咏著有

芸隱詩集

桃花

武陵人去水橫陳獨向元都管領春日暖風輕塵撲面

劉郎空老苦吟身本集

宋張斛字德容漁陽人官爵未詳

武陵春雪

天風吹雪滿千山不見桃花汎碧瀾洞裏仙人貪種玉

豈知人世有春寒桃花源志畧冥軀良人紙小言意語泉

宋鮑 埜字份甫號鰲宋末州永嘉人出自我

桃源行

秦皇有地包沙漠秦民無地堪託足民心咫尺不戴秦

秦令安得到空谷商山紫芝青門瓜武陵洞底栽桃花

草木不共人逃去虞妃山赭良堪嗟秦皇一世二世歇

秦民萬世桃花月漁子相逢五百年已聞幾度乾坤裂

桃花源志 卷十三 藝文 三 退補齋藏板

靖節先生曾作記祇云賢者茲避世時人浪作神仙傳

空自渺茫涉奇異君不見年來禮樂卯金刀先生歸對

廬山高所種柴桑五株柳勝是武陵千樹桃東甌詩存

宋無名氏

桃源石刻

建炎初有大石自洞中浮出闕禍公士琦謂是秦時物其刻云云今不能定其炎卽附宋末

無爲大道天知人情無爲窈冥神見人形心言意語鬼

聞人聲犯禁滿盈地收人魂沅湘耆舊集 冥山人貪獻玉

宋鄧氏紫姑

桃花

武陵溪上舊時花兩岸晴紅爛彩霞試問劉郎緣底事

花開時節未還家 宋詩紀事

宋呂巖 字洞賓自稱回巖客又云回道人河中府人唐德宗朝呂渭之孫會昌中兩舉進士不第

去游廬山遇異人授劍術得長生不死之訣多游湘潭鄂岳間

桃花溪

東風昨夜落奇葩散作春江萬頃霞從此漁郎得消息

沂流直到是仙家 同上

宋朱翌 字新仲舒州人黃州教授載上之子政和中登第授溧水簿歷官中書舍人以忤秦檜謫

桃花源志 卷十三 藝文 三 藏板

韶州晚召還卜居四明自號省事老人著有蘄山集

桃源憶故人 辰州泛舟送郭景文周子康赴行在

催花一霎清明雨留得東風且住兩岸柳汀煙塢未放

行人去 人如雙鳳雲間舉明夜扁舟何處只向武陵

南渡便是長安路 蘄山補遺集

宋呂巖 字洞賓自稱回巖客又云回道人河中府人唐德宗朝呂渭之孫會昌中兩舉進士不第

去游廬山遇異人授劍術得長生不死之訣多游湘潭鄂岳間

東風昨夜落奇葩散作春江萬頃霞從此漁郎得消息

桃花源志卷十三終

桃花源志卷七 補錄

藝文

宋方回

字萬里號虛谷歙人宋景定三年進士歷官知建德府元初改投建德路總管兼府尹著有碧流集桐江集又有讀易釋疑易中正攷皇極經世攷古今攷麻象攷衣裳攷玉攷先覺年譜瀛奎律髓名僧詩話諸書見本傳

桃花源行

元序云予謂避秦之士非秦人也乃楚人痛其君國之亡不忍以其身為讐人役力未足以誅秦故去而隱於山中爾至晉而後漁者見其子孫或誇訛以為

桃花源志

卷三

補錄

一

退補齋藏板

神仙固已非矣王介甫知有父子無君臣之句尤為悖理楚雖三戶亡秦必楚不遽亡之則亦避之蓋深於知君臣之義者介甫未可知也淵明豈輕於作此記亦私痛晉之士大夫翻然事劉裕而無恥者爾予遍讀桃源題詠數百首無能發明此意故大書道士壁而刊之不知其僭兼是時韃會寇蜀降將或為之用因并以寓一時之感而其實亦足以為天下後世為人臣者之勸云

佩蘭騷人葬魚腹章華臺傾走麋鹿祖龍南遊萬事非

賜斷沉江爲誰緣王孫公子入函關半作長城鬼不還
委質良難身死易長歌深入桃花山姬周以義興夷齊
用爲恥懷王歿於欺此恨痛入髓力不加虎狼固有去
之爾向來長往人素心政如此俗人不識呼爲仙謂無
君臣益欺天慷慨褰裳睨東海不見當年魯仲連淵明
胡爲作此記不紀義熙同一意羞殺人間淺丈夫反君
事譬如犬彘我來山中覓餘春千古義氣猶如新楚人
安肯爲秦臣縱未亡秦亦避秦

新安文獻志

桃花源志

卷三

補錄

二

退補齋藏板

桃花源志卷十四目錄

藝文 古今體詩

桃源 仙源 武陵源

桃川 孟春

金

張斛 一首

元格 一首

元

劉因 一首

吳澄 一首

周

周權 一首

郝經 一首

馬善麀 一首

閩媛鄭氏 一首

桃花源志

卷四

目錄

退補齋藏板

釋善住 一首

明

朱升 一首

劉崧 一首

王偁 一首

陳景著 一首

薛瑄 六首

方向 一首

趙寬 一首

熊人霖 一首

林俊 一首

何孟春 三首

楊禎 一首

劉麟 一首

王守仁 二首

何景明 二首

黃克晦 一首

歐陽重 一首

許宗魯 四首

王一翥 二首

何初 二首

岳岱 一首

文徵明 一首

鄒守愚 一首

蔣信 二首

趙貞吉 一首

王材 一首

萬士和 五首

徐中行 一首

張九一 一首

李得陽 一首

李載陽 一首

李輅 一首

黃璣 一首

桃花源志 卷四

目錄

一一

退補齋藏板

鄒潏 一首

邵洪 一首

郭顯忠 一首

沈一貫 一首

趙參魯 一首

江東之 一首

龍膺 四首

袁宏道 七首

謝三秀 一首

謝肇淛 一首

楊嗣昌 一首

鍾惺 一首

宋登春 一首

張爾嘉 一首

龍人傑 二首

杜鎮 一首

袁中道 一首

丁乾 一首

石莊一首
杜聰一首

葛一龍一首
譚元春三首

瞿龍躍一首
闕士琦八首

陳寶鑰一首
張昉一首

潘應斗一首
周聖楷三首

闕士琳一首
釋三休一首

國朝
王象天一首
黃國塾二首

陳士本二首
羅人琮一首

桃花源志
目錄
董訥一首

趙士麟一首
范秉秀一首

汪虬一首
魏裔介一首

李發甲一首
范承斌一首

戴明說一首
陳養元一首

范承烈一首

楊維坤一首

桃花源志卷十四目錄終

藏板

退補齋

三

桃花源志卷十四目錄終

桃花源志卷十四

永康胡鳳丹月樵編纂

藝文 古今體詩

金張 字德容漁陽人仕宋為武陵守金初理索北歸官祕書省著作郎著有南游北歸等詩集

武陵春雪

天風吹雪滿千山不見桃花汎碧瀾洞裏仙人貪種玉

豈知人世有春寒 州集

金元格 字德明秀容人遺山之父東巖其自號也累舉不第放浪山水間無日不飲酒賦詩年四十有八終於家著有東巖集三卷

桃花源志 卷四 藝文

桃源行

一 退補齋藏板

山中三月山桃開紅霞爛漫無邊涯 音 山家藏春藏不

得落花流水人間來憶昔攜家竄巖谷秦人半向長城

哭回頭塵土失咸陽繪弋徒勞羨鴻鵠冬裘夏葛存太

樸小國寡民皆樂俗晝永垣籬雞犬閒春晴門巷桑榆

綠漁郎偶到本無心仙境何緣得重尋今日武陵圖上

看唯見雲林深復深 全金

元劉因 字夢吉保定容城人至元十九年徵拜右贊善二十八年召為集賢院學士延祐中追贈翰林學士容城郡公

諡文靖著有靜修集

桃源行

六王埽地阿房起桃源與秦分一水小國寡民君所憐
賦役多慚負天子天家正朔不得知手種桃枝辨四時
遺風百世尚不泯俗無君長人熙熙漁舟載入人間世
卻悔桃花露蹤跡曾聞父老說秦強不信而今解亡國
畫圖曾識武陵溪飛鴻滅沒天之西但恨於今又千載
不聞再有漁人迷

本集

元吳

澄

字幼清晚字伯清撫州崇仁人弱冠領鄉薦大德初起應奉翰林文字除江西儒學副提舉至大初召為國子監丞皇慶改元進司業英宗即位拜翰林學士加授資善大夫卒年

桃花源志

卷四

藝文

二

退補齋藏板

八十五贈江西行省左丞臨川郡公諡文正著有草廬集

和桃源行效何判縣鍾作

丙子十二月

冀州以北健蹶馬一旦羣嘶盧霍下睢陽不遇雙貂公
總是開關迎拜者燎原燄燄春復春不惟捧水惟益薪
海門浪沸會稽坼血淚交流草莽臣舉手日邊遠與近
不知官守何人問仲連未即蹈東海元亮至今尙東晉
桃源深處無腥塵依然平日舊衣巾擬學漁郎棹舟入

韓良宵忍終忘秦

本集

元周

權

字衡之別號此山處州人皇慶間袁伯長奇其才力薦諸朝可預館職弗就乃益肆力于

詞章著有
此山集

仙源

桃花悄無有仙源渺何許流水清於銅松色與崖古長

林暮蕭颯似與幽人語倏然臥空菴清猿夜深雨 本集

元郝經 字伯常其先潞州人徙澤州之陵川累薦召赴闕廷官翰林侍讀學士充國信大使使宋

卒贈昭文館大學士資善大夫謚文忠著有陵川集

桃花源詩

桃花荒有無誰云隔塵世秦人既能往我亦從此遊歸

舟忘津途類運急興廢緬懷別一天花陰好休憩瀟風

桃花源志 卷四 藝文 二二 藏板 退補齋

無澆誕道種可樹藝凡夫安得到俗駕豈容稅君看閭

閭下聒聒形聲吠苛法如牛毛浮偽競新製高人肯著

足有山皆可詣隱見須適時淺揭深則厲淵明資好遯

棄官在中歲處身向田野曠遠黜智慧把菊祇見山種

秫自爲界盃酒與浮沈林樾重蒙蔽到處桃花源真境

不在外當時避秦人未必識妙契 本集

元馬麀 字公振里居官爵未詳

武陵市舍

溪頭不種桃花樹商賈年年橋上多昨日扁舟風雨過

無人肯著釣魚蓑

桃花源志畧

二元鄭氏允端

字正淑吳郡人宋丞相清五世孫女允端姿稟秀慧尤善詩歌歸於同郡施伯仁至正丙申張士誠入平江家為兵所破鬱鬱致病而死年僅三十窆於城東之南岡諡貞懿著有

肅離集

桃源

秦季干戈起中原幾變遷誰知避世者自有一山川

本集

云釋善

住

字無住別號雲屋吳郡僧也嘗居吳郡報恩寺往來吳淞江上與仇山村宋子虛諸人相倡和著有

谷響集

桃花源

桃花源志

卷四

藝文

四

退補齋藏板

孤光耿耿洞門斜咫尺仙源去不賒流水豈能迷客路

春風終是到田家山林影裏聞人語鷄犬聲中得岸花

相見毋煩問塵事且同尊酒醉烟霞

本集

明朱升

字允升休甯人元至正乙酉舉人洪武初官翰林院侍講學士兼東閣學士著有楓林集

武陵源

武陵源裏桃花春世俗傳聞味偽真早知只在東園裏

大有高人來問津

本集

明劉崧

字子高初名楚泰和人洪武三年以人材舉職方郎中官至吏部尚書請老十四年召為

國子司業著有槎翁詩集一作鏹崧

桃源

青林被重岡蒼石立絕磻冥冥松風迴高蔓弱可縮驅
車鶴嶺下沮洳溼危棧微茫烟霞集披靡衫筠間高秋
灑氣豁秀色紛矚盼芸芸澣續于涉水恒及胥山女行
負薪結髮垂兩朮年豐稔稻足食狃芻與豢呼吏不及
門征租少稽慢銀坑重茶賦往往先月辦綠山八九家
火耕習蓐鏟土屋桑樹高雞鳴日方晏清霜落原菽夕
露沾畦莧吁嗟避秦人歷世乃多患豈知太平俗鎧甲
未嘗撰永宜曠土懷樂此謝游宦種桃實吾事荷耒乃
桃花源志

卷四

藝文

五

退補齋藏板

不慣窮源愁日暮流水方汕汕嘆息行險艱南雲送涼

鴈列朝詩集

明王

偁字孟揚其先東阿人元末至閩弱冠領鄉薦太宗卽位詔授國史院檢討著有虛舟集

宿桃溪方翁家贈別

清溪一帶緣桃花春來水上流胡麻東風尋源泛瑤棹
雲中遠見山人家於茲水木相含景裊裊松杉亂天影
少焉林壑衆籟鳴巾舄飛來片雲冷二三老翁住東陂
薜衣霜雪垂兩眉自言入山歲已久不知人世今何時
傳聞有客驚還喜共薦清泉飯松子烟林霧篠不逢人

碧草苔花應滿地問予何事在塵間那是山中日月閒
澗戶聊同魚鳥醉石牀常伴雲霞眠乍逢靈境真堪悅
區緣未謝還成別別後重來定幾時夢繞溪邊綠蘿月

列朝詩集

明陳景著

名從以字行閩縣人永樂十三年乙未探花授翰林編修

山中桃源行

扁舟閑棹武陵曲落紅萬點春波綠乘興沿流去不窮
夾岸桃花奪人目山迴溪轉入漸深縈行幾度隔雲林
遙看林下人家影近聽村前雞犬聲恍然初入非人境

桃花源志

卷四

藝文

六

退補齋藏板

洞裏松蘿白日靜蘭徑春深玉有烟綺窗晝永花如錦
驚聞客至復相呼爭迎置酒問何如初從避地潛來此
自後因家成久居卻緣嬴氏行苛法竟攜妻子塵寰別
山中猶著秦衣冠世上誰知晉年月世人徒自見山青
青山一徑通仙靈遙連閬苑千原杳不見長安戰血腥
歸來擬欲攜家往祇今靈境知何向翠壁紅泉掩映流
琅玕芝草參差長萬壑千峯翠黛浮多情長憶別來愁

回首空山不可問惟見桃花逐水流

治南詩藪

明薛瑄

字德温河津人永樂庚子舉人辛丑進士宣德中授御史出監湖廣銀場正統初擢山東

提學僉事旋升大理寺少卿被誣劾下獄幾死久之釋還景帝嗣位用給事中累官至禮部左侍郎兼翰林院學士入閣預機務疏乞骸骨歸卒年七十有六贈禮部尚書諡文清隆慶間從祀文廟著有讀書錄河汾詩集

今朝風日好來泛武陵溪碧水寒依岸蒼林遠護堤沙
光搖野馬人語散鳧鷖二月桃花發還應處處迷

列朝詩集

桃源詠古次趙子裕韻

雲林兩岸夾江津持節從容得遍巡百里仙源通異境
幾家流水斷征塵溪頭翠竹偏宜夏洞口紅桃已放春

一自輿圖歸聖化更無人世避咸秦

同上

桃花源志

卷四

藝文

七

退補齋藏板

桃源曉行

隔江烟樹曉模糊縱有丹青畫不如且喜桃源風景好
山行不厭路崎嶇

同上

桃源道中三首

初聞勝景如天上此日經行已再來水入松篁鳴處急
山圍村塢到時開荒溪難覓當時洞廢觀空餘舊日臺
謾說人間有仙跡不知天地也塵埃

兩日桃源道路中無邊清興每相供雲山過後層層見
澗水行來處處同蘿逕烟光籠軟翠松巖雲彩絢新紅

何當一覽巒中小更上淮南萬仞峯

桃源景物信幽奇幾度游觀愜所思丹碧峯巒雲裏見

青蒼林木鏡中窺漁舟一去仙源合石洞重來碧蘚滋

惟有武陵溪上樹年年花發使人疑 同上

明方

向 字與義桐城人成化辛丑進士官給事中諱雲南多羅驛丞歷官瓊州知府入覲時僕私

市一珠索而投之海著有素亭集

桃源道中

桃源西望是辰州兩境中分五置郵征旆影隨紅樹渡

斷橋水帶夕陽流關山迢遞孤臣路風物淒涼滿地秋

桃花源志

卷四

藝文

八

退補齋藏板

半世飄零竟何事獨騎瘦馬重回頭

明詩

明趙

寬

字栗夫吳江人成化辛丑進士第一歷官刑部郎中出為浙江提學副使廣東按察使著

有半江集

次韻徐僉憲夢游桃源

盡說仙源隔片塵誰知枕上是通津武陵太守無仙骨

只見桃花不見人

列朝詩集

明

熊人霖

字里官爵未詳

桃源和王伯安先生韻

溪上見桃花春深香處處無須別問津就此尋花去

源志

明林俊

字待用莆田人宏治五年官湖廣按察使以雨雪災異上疏陳時政得失並請節省工役不從引疾歸

桃源

百里人家斷復連煙嵐一簇俯晴川江干漁父坐來見
洞口桃花望裏妍鬪雨泉聲雙檻外凌秋松色夕陽邊

藥爐丹竈今如許可得重論晉魏年

桃花源志畧

明何孟春

字子元郴州人宏治癸丑進士授兵部主事歷郎中出補河南參政入爲太僕卿以僉都御史巡撫河南世宗卽位召爲吏部右侍郎進左侍郎署尙書事以議大禮左遷南京工

桃花源志

卷五

藝文

九

退補齋藏板

部左侍郎六年引疾久之卒於家隆慶初贈禮部尙書諡文簡

過桃源

桃川川畔柳垂垂不見花枝見柳枝何事今無種桃者
但種楊柳紛塗岐種桃歎昔世睽隔種柳傷今人別離
惟應不種桃與柳紅綠一聽春風吹

沅湘耆舊集

前題

桃花源上卽通津誰謂桃源別有春寄語秦人今聖世
不妨歸作太平民

桃源洞裏雨瀟瀟風景何年更寂寥不是秦人肯輕出

深山無處避征徭

同上

明楊

禩

字介福武陵人宏治丙辰進士累禮兵刑三科給事中終太僕寺卿

桃源

平川臨古邑野舫隔煙岑人代有秦晉風光無古今睡

餘啼鳥寂坐久落花深蓬鬢侵成雪支筇且漫吟

源志

畧

明劉

麟

字元瑞安仁人以武功隸南京遂家焉宏治丙辰進士除刑部主事出知紹興府忤劉瑾

削籍尋起太僕卿歷工部尙書致仕自稱坦上翁卒諡清惠著有南山老人集

次桃花溪韻

桃花源志

卷四

藝文

十

退補齋藏板

洞口陰陰草樹迷神仙只在小橋西聲名不到秦堪避

如此桃花如此溪

本集

明王守仁

字伯安號陽明餘姚人宏治己未進士官至兵部尙書封新建伯著有王陽明集

桃源晚泊

去春煙雨沅江暮此日沅江暮雨歸水漫遠沙村市改

舶依舊店主人非草深廡宇無官住花落春房自鳥啼

處處韶光蕭索甚正思荆棘掩巖扉

本集

晚泊沅江

古洞何年隱七仙仙蹤欲叩竟茫然惟餘洞口桃花樹

笑倚東風自歲年 同上

桃花源

桃源在何許西峯最深處不用問漁人沿溪踏花去 桃源

洞天志案此詩本集未載

明何景明 字仲默信陽人宏治壬戌進士官至陝西提學副使著有大有復集

桃源

聞說秦人此避秦碧桃零落舊時春家移洞裏難知姓
水到人間易問津山色溪聲自今古石牀礪戶空埃塵
洞前即是南征路來往年華客鬢新

桃花源志

卷十四

藝文

十一

退補齋藏板

桃川道士來相送指點仙蹤玉觀西雲鎖洞門何處覓
花開溪路幾人迷石橋自發新秋草丹竈長封舊日泥
落日山中不勝思松陰竹色冷淒淒 本集

明黃克晦 字孔昭惠安人少好學善畫有詩六卷

桃溪夜泊

清霜夜落武陵溪水上蒼烟十丈齊野爨冷燒紅葉火
村春寒接五更雞不眠枕上多新得所過山中有舊題

起問昨宵沽酒處人家只在小橋西 宋詩紀事

明歐陽重 字子重廬陵人正德戊辰進士授刑部主事為張銳錢甯中傷繫獄贖杖還職再遷右僉

都御史巡撫雲南平尋甸土酋疏請罷探奇
石革鎮守中官帝頗納其言鎮守等賄張璉
謀去之竟罷
歸黜爲民

桃源行用王介甫韻

王澤已竭塵戎馬秦并晉禪分天下桃源非遠亦非深
乃有秦時避秦者宋代唐年春復春五季羣雄如析薪
後來此地久內屬尚有地外稱藩臣詩家徵遠不徵近
畫圖真僞空相問深山無處避青苗解道重華悲魏晉
桃川今日無風塵桃源有客整冠巾但合不見催租吏

那識紛紛晉與秦

桃花源志畧

桃花源志

卷四

藝文

十三

退補齋藏板

明許宗魯

陝西咸寧人正德丁丑進士由湖廣提學僉事官至都御史

桃花樹下憶桃花源四首

東園春色好桃樹盡開花泣豔含朝露揚輝絢晚霞
疑歸牧地幽卽避秦家潦倒江南客鄉心感物華
碧漢冥鴻去青溪遶地偏避秦將婦子習隱藝田園鹿
豕真堪友柴荆不異仙泛舟沿水入疑是太元年
權籬斜跨澗桃徑故臨溪秦客仙源杳漁郎舊路迷涼
風生碧樹細雨溼丹梯隱約煙霏外蕭然春鳥啼
側疊新開徑荒涼舊隱居靈源傳晉代風俗見秦餘遂

谷藏書久雲鄉學業殊窮源吾未得欲問武陵漁桃花源志

明王一翥字子安黃岡人官爵未詳

桃源

蒼徑攀藤枝深碧隱斜月但餘洞中水細細流如髮飲
水坐復歎塵世勞誰歇岑寂遇仙橋蹤跡春草沒輕雲
飄仙衣斷石豈仙骨鱗鱗馬頭人託言懷魏闕巖壑好
容顏鮮能安婦拙

傷心何年洞此洞非十洲仙藏恐不深絳桃空樹頭住

桃花源志

卷四

藝文

十三

退補齋藏板

世一世忙來山萬山幽駒鳴草閒去暮雀聲啾啾老農
說田水聊如讀莊周事業渺白日聚散逐河流道路苦
四體別離盈雙眸惟餘一寸心世外相綢繆春悲我行
遠我念山應秋青山可藏骨生死握一籌西去復西去
往哲多殷憂桃花源志畧
明何初常山人博通經史洪武中知仁化縣遷巴東教諭召修書傳書成調開化造就人才士風

益

振

汎舟桃源二首

出門見山川耳目欣所遇野色上孤舟蒼蒼有寒樹網

入漁潭深事畢無餘慕我行非受驅旦旦愁日暮新月
忽沿溪梅花在前路

篙師業苦辛冒曉發江干疲力不得息食此誠良難一

夜夢東風散作晨雨寒篷窗起復閉失卻水邊山桃花源志

署 櫻和嶼大自剋林天豈然洞碧問率世土輒吟賦不

明岳岱 字東伯蘇州人其父闕草於陽山去許市數里東伯結隱其中自稱秦餘山人又號漳餘

子中年出游恒岱天台雁宕武夷巨盧諸名勝作咏懷詩九十六首為時所稱

文桃溪夜月

可憐武陵溪本自仙源水漁舟昔延緣未盡巖壑美石

桃花源志 藝文 卷十四 十四 退補齋藏板

門今已迷月照千峯裏 桃花源志

明文徵明 初名璧以字行更字徵仲別號衡山長洲人正德末巡撫李充嗣薦於朝會徵明以歲貢

生試吏部奏就翰林院待詔著有莆田集

桃花源 東晉陶淵明其父陶潛飲觀山去

桑麻雞犬自成村天遣漁郎得問津世上神仙知不遠

桃花只待有緣人 本集

明鄒守愚 字晉則莆田大嘉靖丙戌進士官左參政分守湖北道

風雨來清夜孤亭客思深誰為青眼客先寄白頭吟萬

里瞻雲淚平生報國心驅車如有待莫惜此登臨

桃花源志

明蔣

信

字卿實一字道林武陵人嘉靖壬辰進士授戶部主事累官貴州提學副使世稱正學先生著有道林文粹九卷

桃源

初穿草逕荒漸歷林巒好深烟昏洞門紫蔓纏丹竈烏下各為羣麋遊別成道誰傳真隱心與世清煩惱

沅湖耆舊

集

桃岡卽事

桃花源志

卷四

藝文

五

退補齋藏板

筠笠藤蓑此寄眠鶯嘯花發重今年旋栽松桂樹千木閑和滄浪詩百篇勝客每慚攜酒過佳晨空負看溪還何時計取青蚨足買箇支篷鴨嘴船

同上

明趙貞吉

字孟靜內江人嘉靖乙未進士選庶吉士授編修官至禮部尚書入直文淵閣著有趙孟靜集

桃川懷古次韻

周時人掩漢時關秦代衣冠晉代山亡社鳥來歌滑滑戰場雲度伴間空傳緱嶺吹簫去不識遼東戴帽還

五百年逢一漁父三三今傍綠溪灣

本集

明王怡材字子難號稚川新城人嘉靖辛丑進士改翰林庶吉士授檢討出爲南司業改北司業又

出爲南太常少卿進階通議大夫著有念初堂集

武陵行送許北岡判常德

處處桃花夾水春千山何處是仙津漁舟但憶前時客

畫手空傳百代人君今卻入畫圖去別駕春風溪月曙

能令鷄犬皆不驚應有秦人出花語本集

明萬士和字思節號履庵宜興人嘉靖辛丑進士改庶吉士授禮部主事官至禮部尚書卒年七十

一贈太子少保諡文恭著有履庵文集

自桃源至辰州道中卽事

桃花源志

卷四

藝文

夫

退補齋藏板

閒花野草山無數何處桃源卻通路漁郎再至已迷津

至今指點猶承誤孫皓凶殘歷典午驅民不異祖龍苦

武陵最僻無處逃俎豆衣冠思上古飢人夢食渴夢飲

好事世傳皆畫餅祇言桃實果千年蕉鹿茫然各不領

只今天下非晉秦余亦斃楚隨風塵涉河不是尋源客

問俗知非避地人千里夾山常對面中間道途通一綫

稻梁無餘鴻雁稀蕭條野菊荆榛徧輿人向我前致語

此處山川多瘠鹵居民舊已困征徭近歲辰沅又開府

開府節制三大藩羽書日夕通至尊諸侯雜遝致方物

達官奔走趨其門，聞道軍門使人下。狐威假虎兒童怕，僕夫背面俱受鞭。人須出錢馬須價，我生蒿目衰鬢早。憂世無能漸枯槁，仙源不見見瘡痍。使我形容一番老，停車爲爾且相慶。近來節度甚清正，鼠背遠竄毋汝驚。烽烟不動蠻方靜。

本集

桃源道中二首

春光大半雨中非，洞口桃花漸覺稀。萬里恩波雙闕遠，十年流徙幾人歸。乾坤楚楚越家還，隔廊廟江湖願亦違。累歲驅馳空白首，浮名身外欲何依。

桃花源志

卷四

藝文

十七

退補齋藏板

使車日擁塵埃若箇秦，人避地來江水自流容。客往桃花依舊向春開，天心代謝從前古。人世榮枯遞劫灰，十載浮沈今住腳。肯因迷路又疑猜。

桃源阻風二首

驟雨浪翻鷗沒急，流風打舵回桃花。春逐何處洞口雲，封不開。

耳目忉忉應接功名得，得沈酣山勢雲連雲。斷客情湖

北湖南

同上

明徐中行

字子與，長興人。嘉靖庚戌進士，美姿容，善飲酒。由刑部主事歷員外郎，郎中，稍遷汀州知

府歷官江
西布政使

歲暮由桃花源入滇

桂水余初涉桃源卽舊圖殘霞明古渡落日滿平蕪晉

記還今古秦人定有無臺荒青嶂合洞闕白雲鋪羈宦

天逾遠懷仙歲欲徂迷津不可問攬轡重躊躇桃花源志畧

明張九一字助甫新蔡人嘉靖癸丑進士官湖廣僉事升右參議

桃源峯

一印一壑坐銷憂洞裏秦人半白頭四月桃花沿澗吐

始知春向此中留桃花源志畧

桃花源志 藝文

六

退補齋藏板

明李得陽字廣左布政使司歷升南工部侍郎

桃花源

絕逕當年此避秦漁郎何處遂迷津于今聖代編氓遍

惟有桃花依舊春桃花源志畧

明李載陽字里官爵未詳

桃花源

春山濛濛千萬疊春樹霏霏煙靄結一澗長浮碧玉波

桃花兩岸飛紅雪十年夢想來桃源今見松蘿遠近村

不遇當時避秦客白雲猶自護柴門蘭橈盪入空波裏

仙家殿閣羣峯起漢業秦基煙水中悠悠惟有清溪水

桃花源志畧

明李輅字里官爵未詳

桃源仙隱來曾共林林語春韶美面張球雨今日

青青隱隱遶仙宮溪上桃花幾度紅欲共漁郎尋舊隱

洞門未許俗人通桃花源志畧

明黃璫福建人官爵未詳

秋日再遊桃源

桃花古洞白粼粼石上寒泉咽古今鞭石鞭長猶不及

桃花源志

卷四

藝文

十九

退補齋藏板

此地終古本非秦至今指點桃花水水上雲煙香未已

石火光中傳漢魏灰墨千層秦人死秦人死歸鶴去燕

往鴻來不知數幽源仙徑已周行橫戈躍馬花深處君

不見霸王氣盡天日昃東海飛塵何時息又不見神仙

蹤跡本難求但聞山鬼聲啾啾惟有楚江流不斷年年

還繞洞門秋我來曾共桃花語春晴撲面飛紅雨今日

秋風動地悲山源野麓知舊侶老僧留我聽琴言座中

流水落潺湲須臾更發空山響山光水色座中翻秋風

春雨一齊至回首茫茫今何世桃花源志畧

明趙參魯

字宗傳號心堂甯波人隆慶辛未進士授庶吉士改戶科給事中直節敢言如論王文成當從祀蘆溝橋佛寺不當建及請甄別吏治釐剔馬房諸疏俱其大者歷官閩撫旋遷南京刑部尚書卒年七十三諡端簡著有疏草文集藏於家

過桃源縣

桃源不是武陵溪白日黃河路不迷莫向河邊問花事

綠楊深處只長堤

甬上者舊集

明江東之

字長信歙縣人萬曆丁丑進士官至右僉都御史貴州巡撫著有瑞陽阿集

再遊桃花源

有序

余昔遊纔八年於口荷以刺史視岳辰沅過武陵口

桃花源志

卷四

藝文

三

退補齋藏板

山問桃源津處感今思古與僚友陳君謀於谷口建亭以憩問口者余圖不朽遂觀磨盤之制亡何余得賜環召入為廷尉去而陳君竣之余乞歸不得被命撫黔復經洞口歎前度之又來覩小亭之宛在怡然興懷賦此見志

聞說仙源迷道真曾窺千古見孤臣無依柳色還思晉

有託桃花巧避秦叱馭重來棲隱處彈冠俱是避秦人

心懸極北懷吾土且向黔南一問津

本集

明龍膺

見卷九

夜自東園歸得袁中郎德山諸詩讀之甚快惜不
一笑一問桃花源而去走筆畱之

桃花萬樹秦人碁黃精爲飯芝爲蔬長休自具神仙眼
好去同窺石室書

我家兄弟俱好奇畱賓不減習家池檀園松閣饒花月
處處判君倒接離

本集
白馬村邊渡淶蘿溪上山津迷煙徑合洞古石扉關鐵

笛橫三弄丹砂鍊九還阮郎歸思劇青鳥報雲鬢

同
上
桃花源志 卷四 藝文 三 退補齋藏板

讀江伯通買山說爲余得倒水巖漁仙洞志快也

喜而賦答 自注洞名漁仙爲馬伏波避暑地下有石如梁名馬石左有溪曰龍家溪

倒水屏環百二峯中撐天柱削芙蓉石穿雲竇傳從馬

溪遶烟村舊屬 一作龍三徑無資需賣賦十洲有籍乞

移封江郎挾得生花管特爲山靈勒鼎鐘

明 袁宏道 見卷九

桃花源和靖節韻

一笑叩烟嵐白雲今幾世桃花不肯流溪水無情逝窈

開渾沌亡樸散羲黃廢青山一舍郵仙家偶來憩白頭

老黃冠繭手事耕藝呵呼隨里胥鞭笞了官稅岫老鷓
鴉斑谿淺琉璃吠日供冠裳騶甯曉芟荷製緬想紫芝
人驂雲幾相詣洞府簾堂深雲霞空凜厲天人一昏旦
人間百餘歲宇宙何不有謾勞作聰慧迂儒飽世情俗
腸非境界紛紛辨僞真等爲方內蔽常聞列子風可以
駕烟外長驅入仙林徧覓心所契

袁中
郎集

人桃花源

溪水濯雲根花林水氣溫睡鸞常守月仙犬欲遮門綠
壁紅霞宅丹砂石髓村人中幾甲子洞裏一黃昏

桃花源志

卷四

藝文

三

退補齋
藏板

其二

白頭了髻子花裏去如仙鳥弄雲霞柵人耕芝朮田庚
年看紅藥生死在蒼烟認著鑪香去瞿童火尙然

其三

花戶當雲闢驛門臨水關何年騎馬客踏斷採芝山古
井沈烟霧空潭洗面顏邱陵一變海一度到人間

其四

洞外一長揖人仙從此分看君如水影要我似谿雲花
氣薰幄戶霞光繞茜裙往來江海上鸞鶴翼相聞

同上

夜入桃源縣月中

深村杞菊香壁影拂船涼和月和烟市全山全水鄉高
雲排鶴路怒沫響魚梁若箇垂綸客溪頭舊姓黃

題桃源縣

鬧處雲常至僮來鳥亦隨仙人成邑里煙水作城池山
有容空地溪無不怒時偶然嵐翠起一縣綠離離

同上

明謝三秀

字君采號元瑞貴陽人萬曆中明經著有雪鴻堂集

憩桃花源賦留亭子上

卷十四

藝文

三

退補齋藏板

遙遙梯路接仙源峭壁飛蘿翠可捫樹裏人家非避世

眼前雞犬尚成村花隨流水春無迹月到空山夜有痕

安得結茅歌小隱自鋤黃獨住雲根

本集

明謝肇淛

字在杭長樂人萬曆壬辰進士除湖州推官量移東昌遷南京刑兵二部轉工部郎中管河張秋升雲南參政歷廣西右布政著有下菰集鑾江集居東集

春風籬落酒旗間

流水桃花映碧山寄語漁郎莫深去

洞中未必勝人間

本集

明楊嗣昌

見卷九

舟遊桃源卽事次友人韻

不離眠食事所至納清幽戴笠聳烟影攤書濺瀑流靜
言魚忽上孤響雁相酬半月灣前石吾茲勒五遊

集

沅湘者舊

明鍾

惺

字伯敬景陵人萬厯庚戌進士除行人升工部主事改南京禮部主事進郎中遷福建提學僉事著有隱秀軒集

桃源詞

商山海上半秦民何獨桃源是避秦滿洞仙人一漁子

翻疑漁子是仙人

明詩綜

明宋登春

字應元趙郡新河人壯歲髮白自號海翁晚居江陵天鷲池更號鷲池生游齊魯浮江淮

桃花源志

卷四

藝文

五

退補齋藏板

涉吳會走徐青西窮關陝復入西川下巫巴荆鄂大梁間吟咏甚富著有鷲池集

送楊山人還訪桃源

晶晶高蹤客翩翩野鶴姿白雲思振舉滄海怨歸遲賦

惜揚雄老歌憐宋玉悲桃花源春最好不是避秦時

桃花源志

畧

明張爾嘉

字余峯青浦人萬厯癸丑進士官東陽縣知縣

遊桃花源

輕輿平幘踏青行兩兩三三竹馬迎一隊斜穿野橋去

桃花源裏課春耕

金華詩錄

明龍人僎

字孝甫號半溪武陵人萬厯朝諸生君御子與兄孝若齊名著有泛綠亭集

桃源莊苦雨

山田無細響奔瀨連西東澍雨徹朝夜羣聲鼓天風閉
戶斂寒裾肅然如深冬平疇漲秋潦老禾凋以窮婦子
各無措腰鎌望日中場圃埋溼葉釜甑久已空重陰結
不散朝陽滯未通羈夢不相待晨煙在高松獨有追呼
客啟口言登豐願語桑大夫作法何須工

本集

春日由河泐入桃源山莊

偶從溪畔度山莊旭景威遲草正芳布穀弄聲催播種

桃花源志

卷四

藝文

三

退補齋藏板

提壺呼酒勸飛觴千村雨過耕初急萬壑泉流釣亦忙
人物盡隨機軸轉靜觀何事苦徬徨

同上

明杜口鎮

字里官爵未詳

不續桃花源

未感譚慈不昧奇異感否高恐感言

千古桃花洞漁郎傳至今桑麻非幻業雞犬自幽林豈
有絕羣術應憐避世心溪山無限意曠代一相尋

桃花源志

畧

田無曉管英熟惠西東樹雨始時文羣鸞遊天風

明袁中道

見卷九

桃源道中紀遊並示文弱

昔自三發中集人萬風傳前王昏

淙蘿如篆刻鋒刃撥雲霧下臨百尺潭丹碧寫練素沿
溪望前村都是避秦處停舟入花源攜筇臨水步桃花
千樹紅花深迷往路帶月石閒流夜深響瀑布清坐澹
忘歸一山滴浩露

木集

明丁乾桃源人嘉靖庚子舉人

桃花源

跨鶴訪秦人直入白雲裏采采紫芝歸撫掌笑無已

桃花

源志

明石莊武陵人官爵未詳

桃花源志

卷四

藝文

七

退補齋藏板

桃花源

仙人久飛去環珮帶朝霞洞裏桃千樹還開二月花

桃花

源志

明杜聰桃源人官爵未詳

桃花源

步屣仙源裏秦人事有無巉巖連漢碧仄徑入雲孤不

見花流去惟聞鳥自呼怡然足清興何必訪蓬壺

桃花源志

畧

明葛一龍字震甫吳縣人天啟朝官雲南布政司理問

桃花源

一澗入蒼煙千花繞澗邊花開與花落流水送流年桃花

源志

明譚元春字友夏天門人天啟丁卯舉人著有嶽歸堂集

行桃源道中憩於桃花源二首

夜與檐霑語所祈光暫開川原頗歷歷未可令風霾自顧世情稀能察仙所裁輕舫渡天地山水如陶懷一洩漁人氣井竈車馬哀

千桃夾一徑未開已光輝何必自秦人肯種即芳菲高

桃花源志

卷四

藝文

天

退補齋藏板

壑蓄春雨雜與泉源飛磴磴挂聲響升降之際微蘿木交溼光幽獨穿翠圍斂步隨鐘返風雷司巖扉本集

宿桃源縣水樓

一樓春水碧身忽寄漁舸孤燭風煙動翠微波浪搖冥心終夜迴驛路曉星高夢惜仙人去此生何太勞同上

明瞿龍躍

見卷九

夏天門人天啟丁卯

過桃花溪

肩輿撥石走谿頭我亦分來樵路遊一客千山家屢住百年四海足曾畱青衫破照童松色短髮寒經老水秋

咫尺屋邊山澗裏桃花帶雨對鳴鳩

沅湘耆舊集

明闕士琦

見卷九

桃溪懷古

有引

屐齒所周每聞往哲撫事悼遺雖風異牛馬而理齊
顯晦要之物外之蹤也詠取心目所涉而止他未遑

焉

富貴可貧賤公如學道人五溪銅柱蝕猶自歎餘勳

馬伏

波

將軍有逸客寄生千載人笛聲吹不盡洞外石泉鳴

袁寄

桃花源志

卷十四

藝文

无

退補齋藏板

生

名士孰奇僻桃花信有無白雲丹竈古莫問武陵漁

劉子

驥

麟洲不死藥食之毛羽青因君三洗髓莫羨洞門深

黃道

眞

鶴子解乘月松枝已沸泉嬰兒大如許忙卻老彭鏗

瞿童

鼎沸元黃世先生正黑甜夢中何處路山碧水潺湲

張虛

白

天風環珮杳何處度霓裳石髓無須吸崔家泉自香

崔窈

桃花溪

無花猶自有桑麻籬落依然綴數家但使柴門無怒吏

也應勝卻種桃花 本集

明陳寶鑰 字大來號綠厓晉江人崇禎丙子舉人官山東青州道著有藜山堂陶陶亭諸集

石谿云武陵桃源舊境蕩然無跡矣為之紀感

桃源在人境孰謂可避秦秦人搜未及從古有逃名何

云秦網峻且密依附山林多不出三戶安知非武陵秦

皇偏墮楚人術桃源既有逸丁夫二酉亦藏舊典謨雄

傑生心雲夢澤楚實多智秦非愚吁嗟乎赤蛇之精出

桃花源志 卷四 藝文 三 退補齋藏板

豐沛赤松之仙在留會桃源豈無仙劍術不見從龍除

秦害乃知彭澤實寓言後無問津見其槩君不見今日

桃源非昔年樹童石齒寂人烟洞口泥丸滿地鋪神仙

不見民亦通漁父子漁父子不尋源於盛漢之始而傳

奇於晉魏之紀未必秦虐而漢美 治南 詩數

明張 字于東一字宛客商邱人崇禎丙子舉人著有宛客遺集

武陵原

遠害當年早深山共卜居家耕無賦地人讀未焚書父

老衣冠古兒孫禮法疎咸陽三月火不到野田廬 明詩 綜

明潘應斗字章辰武岡人崇禎癸未進士官至太常寺卿著有白石山史評補允孚堂詩文集

武陵井

遊冶明時盛春容處處華一從成井里無復辨煙霞冠

蓋晴隄馬樓臺兩岸花當年三五片已足誤漁家沅湘耆舊

集

明周聖楷見卷七

大桃花源

朝雨緩開帆晴氣微如纈推篷翠撲人飛泉瀉寒潔啼

鳥無凡聲木石靜相接峯影照高低花香隨曲折一往

桃花源志

卷四

藝文

三

退補齋藏板

會心境歸紀何年月湖嶽堂集

遊桃花源

雞犬能乘霧子孫長閉關千花供佛地六博賭蓬山石

髓年年服蟠桃歲歲頌偶隨顛曼倩一劫墮人間同上

憩武陵溪上煮茗

煮茶思就石掃葉更依林響送千巖瀑煙分半洞陰鶴

巢丹荔近漁艇綠楊深不汲崔嵬井應緣醉士吟同上

明闕士琳字虹受桃源人明末副貢生

桃花源溪

此生夢不到桑麻誰信飛鴻亦有家便可謝囂車馬外

常將筇竹伴桃花

桃花源志畧

明釋三休楚中方士寓桃源之西禪寺題詩於壁自稱三休又稱玉堂逐客

寓桃花源有感

隔江人唱浪淘沙月上梧桐影未斜客到潯陽談往事

青衫無淚溼琵琶

桃花源志畧

王象天字闕中富平人順治丁亥進士康熙朝官湖廣提學道

和靖節桃花源詩

嘗讀南華經浮雲看此世桃花落復開源水隨流逝一

桃花源志

卷四

藝文

三

退補齋藏板

瞬等地天千秋幾興廢能得山水趣城市差堪憩關閉

可禦風茅誅當習藝興到呼濁醪耕餘足公稅曙入雞

肆唱枕安危不吹飲露吸天池餐霞鮮炮製散步憑長

嘯跌坐良所詣偶起視澗阿淺深忘揭厲況樂太平春

不同離亂歲少也素迂癡老矣何智慧彭澤愛吾腰東

坡絕凡界兩賢若同符百慮無異蔽迷津思問津豈在

桃源外溪水不容刀泳游饒獨契

桃花源志畧

黃國塾福建永福人順治甲午舉人官桃源縣知縣

游桃源

一從大隱據高空疑佛疑仙競異同山海已枯坑火外
兒孫還長劫塵中秋風水面秦時碧春雨聲邊漢代紅
真媿勞生難暫息地偏幽闌傲崆峒

莫將五斗號為郎總為桃花作主張洞閉雲煙無管魏

客來心眼到羲皇金風初振千山響玉露能含萬樹光

休讓秦人全占卻羣仙籍上兩稱黃

桃花源志畧

國朝陳士本

十見卷

桃源山中卽事迴文

深山萬石擁閒雲碧樹高樓白鶴羣吟句好隨紅葉落

桃花源志

卷十四

藝文

三

退補齋藏板

琴鳴竹閣夜香焚

桃源洞天志

桃源道中卽景迴文

天連草色一川平日映紅花萬樹晴泉滴洞中山滴翠

煙溪綠裊竹聲清

同上

羅人琮

字宗玉桃源人順治辛丑進士授甯波府推官改朝邑知縣行取四川道御史著有紫蘿

山人集

桃花溪

當年漫說煮胡麻一水依然照碧霞晉後仙機難再洩

洞中不肯放桃花

桃花源志畧

國朝趙士麟字玉峯河陽人康熙甲辰進士官至吏部侍郎江蘇浙江巡撫著有讀書堂集

桃花源即事

夙讀桃源記因慕桃源景竭來訪仙踪不見洞門影雞犬寂無聲桑麻竟凋盡徘徊山澤閒松風拂衣冷涓涓惟細流漁舟何以引豈其畏人知移家復遠遯我欲起淵明同泛桃花艇一醉逾千年頽然猶未醒本集

國朝董訥字茲重號默菴平原人康熙丁未進士官至江南總督著有柳村詩集

過桃源

纔入桃源路江山事倍幽雲迴千嶂合水咽五溪流斷

桃花源志卷四藝文三退補齋藏板

嶺孤帆出深林暮靄留問津仙迹在隨意可遨遊本集

國朝汪虬見卷十二

桃花溪

鷗浴晴波戲夕曛落霞千片水中分漁人問後津偏隱

洞口溪頭只白雲桃花源志畧

國朝范秉秀字伊璜桂陽人康熙初拔貢著有蘇溪詩集

桃源

自昔說桃園肘腋生煙霧便欲學漁郎鼓棹入山去今過武陵溪艇子堪洞湖山容殊窈窕飄然風可御即謂

無神仙亦有佳人住

沅湘耆舊集

國朝李發甲

字瀛仙雲南河陽人康熙甲子舉人歷官湖南巡撫剔蠹釐奸公清尤著疏請鄉試分闈迨雍正初元奉旨允准以勞瘁卒於官士民建專祠祀之

桃源

漁人亦隱者暇日泛扁舟雞犬吠茅屋桑麻植綠疇桃花夾岸發溪水在中流借問避秦處白雲嶺上浮

桃花源志

畧

國朝魏裔介

字石生號貞菴柏鄉人順治丙戌進士官至保和殿大學士乾隆紀元追諡文毅著有兼濟堂文集

桃花源志

卷四

藝文

三五

退補齋藏板

桃源行

并序

昔晉有高士陶淵明置身三代歎其身遭劉宋禪代之際世之人莫已知也故作桃花源記綴之詩以自明其古處其文云此中人語云不足為外人道也嗚呼非此中人足道乎又云劉子驥親往未果遂後無問津者嗚呼非其人津可問乎唐人如王摩詰劉夢得韓退之等皆以桃源為神仙而東坡亦不能辯以為漁人所見乃避秦之子孫是皆無異於說夢也余嘗熟讀陶集偶有所見擬作數句雖詞意膚淺庶幾

窺於作者之意云爾

淵明自謂羲皇人作爲詩記擬避秦秦人宋人一而已
詐力篡弒不足詢柴桑自有桃源渡洞口雲深落英聚
雞犬同有古音聲衣裳不作新制度此中避世可千年
春花秋月自娟娟峽中不知人何事世人遙望惟青山
山色溪光終不改武陵白雲自相待卻笑時人欲問津
避秦之宅竟安在

本集

蜀戴明說 字道默滄州人官爵未詳

桃花

桃花源志

卷四

藝文

三

退補齋藏板

春風一夜開何物主人經歲勞翦拂桃花甯畏未央寒
露井輕辭垂蒿蔚錦袍簇絢舊崢嶸對雨不笑香吃吃
胡蝶欲來芳草知桃開始覺春飛遲但得留春能倚人
百年長醉胡爲悲醉酒澆月月欲沈仙源有山深更深
自從雲嶂周秦路閒殺漁舟何處尋

桃花源志畧

蜀范承斌 字允公瀋陽人官爵未詳

讀陶淵明桃花源記

武陵春色豔春霞武陵漁子泛輕槎緣溪一路聞啼鳥
盡日無人見落花落花片片低覆首把釣船頭隨岸走

水盡林窮又一山舍舟獨步入山口舉頭忽見白雲生
白雲之外喧雞狗青松古柏有人家物外清泉半田畝
村中一見各相驚雞黍殷殷亦有情但言秦亂初來此
不足爲人道姓名表回數日尋歸路春風歷亂桃花暮
可憐好月送人歸回首空濛鎖煙樹

桃花源志畧

劉翽

范承烈

字彥公審陽人官爵未詳

讀陶淵明桃花源記

三月桃花花滿林漁舟隨水入山深片片飛花浮綠水
時時啼鳥弄春音參差遠近皆紅樹行至山前疑有路

桃花源志

卷十四

藝文

三七

退補齋藏板

舍舟獨步循山椒驚看處處皆桑竹桑竹森森通去津
有人來此爲逃秦山中記麻無甲子閒看木葉識冬春
仙源不受俗人履歸去空勞誌遺址重來春雨復春煙
亂點桃花撲溪水

桃花源志畧

陳養元

字正求號鹿山又號芷濱武陵人康熙癸酉舉人官甯國知縣行取主事未任卒著有鹿

山詩文集

桃源早行

花溪不見舊時紅崖斷雲連有路通十里荒雞催夢曉

馬蹠正踏萬山中

沅湘耆舊集

鬪

楊維坤

字地臣號研堂一號素堂居士毗陵人康熙癸酉至己卯三游京師不第以名諸生治古文詩歌游吳楚豫章間晚年居定安東鄉草堂人稱之定安先生著有研堂詩集

次淵明桃花源韻

山深卽仙居可到還人世紛紛辯桃源一付流水逝寓境發幽情盡信書可廢千古高尚士得所便當憇荷鋤分五穀援筆漱六藝倦縱華胥遊酣醉鄉稅長嘯猿聲行吟犬不吠垣籬量力闢器物隨時製嘉客任往來俗子莫輕詣入座春風融聽言秋霜厲神閒氣自完其壽不知歲允矣鈍永年嗤彼逞早慧能參五源訣何

桃花源志

卷四

藝文

三

退補齋藏板

必超上界奇遭本適然留意輒成蔽沮溺終人羣箕穎非塵外誰爲大覺仙我心有真契

本集

桃花源志卷十四終

